



KANTONALNO JAVNO KOMUNALNO PREDUZEĆE  
"VODOVOD I KANALIZACIJA" d.o.o. SARAJEVO

PREDUZEĆE ZA PROIZVODNJU I DISTRIBUCIJU VODE, ODVOĐENJE I PREČIŠĆAVANJE OTPADNIH VODA  
Por. br.: 01841358, Mat. br.: 20187646, Općinski sud u Sarajevu, rješenje broj: 065-0-Reg-21-005229  
Sjedište: ul. Jaroslava Černija br. 8, tel: 033/237-655, 033/483-400, fax: 033/440-658, www.viksa.ba  
e-mail: [press@viksa.ba](mailto:press@viksa.ba) PDV-IB: 200151950004, ID: 4200151950004

Kanton Sarajevo  
Skupština Kantona Sarajevo  
n/r Elmedin Okerić, predsjedavajući  
ul. Reisa Džemaludina Čauševića br.1  
71 000 Sarajevo

Sarajevo, 3.6.2026. godine

Broj: 4061/26

**Predmet: Odgovor,** dostavlja se –

*Veza: Akt broj 01-04-24273-51/26 od 25.5.2026. godine  
Zastupničko pitanje zastupnika Selmanović Faruka*

- 8 - 06 - 2026  
*En*  
KANTONALNO JAVNO KOMUNALNO PREDUZEĆE  
"VODOVOD I KANALIZACIJA" d.o.o. SARAJEVO

Poštovani,

U nastavku dostavljamo odgovor na zastupničko pitanje – kvar na transportnom dijelu vodovoda u blizini Zmaja od Bosne i organizacija rada KJKP VIK.

#### 1. Prijem informacije

KJKP Vodovod i kanalizacija d.o.o. Sarajevo prvu informaciju o kvaru na transportno-distributivnom dijelu vodovodne mreže u ulici Zmaja od Bosne zaprimio je dana 24.5.2026. u 00:10 sati putem telefonskog poziva građana.

#### 2. Evidencija i inicijalne aktivnosti

Prijavu je u 00:10 sati evidentirao dežurni dispečer. Odmah po evidentiranju, dežurni dispečer je bez odlaganja uputio dežurne ekipe na teren radi obilaska lokacije i procjene stanja. Informacija je prosljeđena internom komunikacijom uz priloženu fotodokumentaciju, te je zatraženo hitno poduzimanje aktivnosti na sanaciji kvara, imajući u vidu da je veliki broj potrošača ostao bez vodosnabdijevanja.

#### 3. Radno vrijeme dežurne službe i angažman

Služba za održavanje vodovodne mreže i objekata posjeduje dežurnu ekipu koja je dostupna svakim radnim danom do 20:30 sati. U slučaju vanrednih situacija, na osnovu poziva Dispečerskog centra, služba se može angažovati i u noćnim satima, ukoliko je moguće pristupiti otklanjanju kvara.

#### 4. Početak sanacije i razlozi za odgodu

Radovi na otklanjanju kvara započeti su u 07:30 sati. Zakašnjenje u početku radova bilo je uslovljeno karakteristikama cjevovoda (profil DN 500) i dubinom položaja (preko 2 metra), što je zahtijevalo pripremu terena, osiguranje prolaza za pješake i motorni saobraćaj, te angažman teške mehanizacije.

#### 5. Tehnički opis iskopa i procjena obima radova

Zbog natopljenosti terena i potrebe da se izvrši iskop kako bi se utvrdilo stanje tamponske podloge ispod asfalta, nije bilo moguće unaprijed precizno odrediti količinu potrebnog materijala za popravku. Radi se o iskopu dužine 10 metara, širine rova 6 metara i prosječne dubine 2 metra, što odgovara zapremini iskopa od 120 m<sup>3</sup>.

## 6. Reorganizacija preduzeća

Izmjenom Statuta izvršeno je objedinjavanje pogona Vodovod i Kanalizacija u jedinstveni pogon. Nakon usvajanja ove izmjene pristupilo se izradi novog Pravilnika o unutrašnjoj organizaciji i sistematizaciji radnih mjesta, koji još uvijek nije stupio na snagu. Shodno tome, pogon Vodovod nije ukinut, već je integrisan sa drugim pogonom u jedinstvenu organizacionu cjelinu.

## 7. Upravljanje vodovodnim sistemom

Objedinjavanjem Pogona Vodovod i Pogona Kanalizacija predviđeno je smanjenje broja izvršnih direktora, rukovodilaca i službi, što donosi direktan ekonomski benefit i unapređenje organizacije rada. Na taj način omogućava se jedinstveno upravljanje međusobno povezanim procesima, brža koordinacija aktivnosti i efikasnije izvršavanje poslova iz nadležnosti vodovodnog i kanalizacionog sistema. Mandat v.d. izvršnog direktora za vodovodni sistem istekao je 21.05.2026. godine, a planirano je da se nakon stupanja na snagu nove sistematizacije imenuje jedan izvršni direktor za objedinjeni vodovodni i kanalizacioni sistem. Do tada, organizacija rada ostaje nepromijenjena, budući da nova sistematizacija još nije stupila na snagu te rukovodioci organizacionih jedinica i ostali radnici nastavljaju obavljati poslove i zadatke u skladu sa važećim aktima.

S poštovanjem,

Dostavljeno:


- Naslovu
- Web stranica preduzeća

 a/a




Direktor

Adnan Šerak



Belum M. / Amer M  
1-5

Bosnia and Herzegovina  
Federation of Bosnia and Herzegovina  
CANTON SARAJEVO  
ASSEMBLY



Broj: 01-04-24273-51/26  
Sarajevo, 25.05.2026. godine

**-MINISTARSTVO KOMUNALNE PRIVREDE, INFRASTRUKTURE, PROSTORNOG  
UREĐENJA, GRAĐENJA I ZAŠTITE OKOLIŠA KANTONA SARAJEVO**

**-KJKP „VODOVOD I KANALIZACIJA“ D.O.O. SARAJEVO**  
Ul. Jaroslava Černija 8

**PREDMET:** Zastupničko pitanje, dostavlja se –


Zastupnik **Faruk Selmanović** je u okviru 30. radne sjednice Skupštine Kantona Sarajevo, dana 25.05.2026. godine, u skladu sa čl. 211. i 214. Poslovnika Skupštine Kantona Sarajevo, postavio **zastupničko pitanje** koje vam u prilogu dostavljamo.

Zastupnik je pitanje dostavio u pisanoj formi, te vam isto dostavljamo u prilogu s molbom da u skladu sa odredbama Poslovnika Skupštine Kantona Sarajevo („Službene novine Kantona Sarajevo“, broj:41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22-Ispravka i 47/24) odgovor, u pisanom obliku, uputite predsjedavajućem Skupštine Kantona Sarajevo kako bi isti dostavili zastupnicima u Skupštini.

**Prilog: Zastupničko pitanje**

Pripremila: Dženita Džebović  
Kontrolisala: Aida Zeković

CO:  
- sekretar SKS  
- sekretar Vlade



**Faruk Selmanović**  
Zastupnik u Skupštini Kantona Sarajevo

Bosna i Hercegovina  
Federacija Bosne i Hercegovine  
Kanton Sarajevo  
Skupština Kantona Sarajevo

n/r Kolegija Skupštine Kantona Sarajevo

**Upućiti:** Ministarstvo komunalne privrede, infrastrukture, prostornog uređenja, gradnja i zaštite  
okoliša Kantona Sarajevo i KJKP Vodovod i kanalizacija d.o.o. Sarajevo

**PREDMET:** Zastupničko pitanje – kvar na transportnom dijelu vodovoda u ulici Zmaja od  
Bosne i organizacija rada KJKP VIK

Poštovani,

molim da mi dostavite odgovore na slijedeća zastupnička pitanja:

1. Kada je KJKP Vodovod i kanalizacija d.o.o. Sarajevo prvi put zaprimio informaciju o kvaru na transportnom dijelu vodovodne mreže u ulici Zmaja od Bosne?
2. Na koji način je kvar prijavljen, ko je evidentirao prijavu i u kojem tačno vremenu?
3. Da li KJKP VIK posjeduje organizovane dežurne ekipe za hitne intervencije na vodovodnoj mreži, posebno kada se radi o kvarovima na glavnim transportnim vodovima?
4. Iz kojeg razloga se sa otklanjanjem predmetnog kvara nije pristupilo odmah po saznanju za isti, već se prema dostupnim informacijama čekalo gotovo devet sati prije izlaska ekipa na teren i početak radova?
5. Ko je donio odluku o vremenu izlaska ekipa na teren i da li će biti provedena interna kontrola i utvrđivanje eventualne odgovornosti zbog zakasnjele reakcije?
6. Da li je tačna informacija da je novom sistemacijom unutar preduzeca ukinut sektor organizovanog rukovođenja i koordinacija rada u toj oblasti.
7. Ukoliko jeste, molim da se dostavi obrazložene razloge ukidanja sektora vodovoda, kao i informacija ko trenutno upravlja poslovanjem vezanim za vodovodni sistem i na koji način je sistem upravljanja u KJKP VIK omogućavaju efikasno reagovanje u kriznim situacijama i zaštitu urednog vodopsnabdijevanja gradana Kantona Sarajevo?

## Obrazloženje

Gradani Kantona Sarajevo su zbog predmetnog kvara satima bili suočeni sa ozbiljnim problemima u vodopsnabdijevanju, dok su informacije o stanju na terenu bile ograničene i neblagovremene. Posebnu zabrinutost izaziva činjenica da je, prema informacijama dostupnim javnosti, proteklo gotovo devet sati od momenta saznanja za kvar do početka radova na njegovom otklanjanju.

S obzirom da se radi o jednom od ključnih segmenata komunalne infrastrukture, neophodno je utvrditi da li su postojali organizacioni propusti, nedostatak dežurnih kapaciteta ili eventualne posljedice reorganizacije unutar preduzeca koje mogu uticati na efikasnost rada vodovodnog sistema i sigurnost vodopsnabdijevanja gradana.

S poštovanjem,  
**Faruk Selmanović**  
Zastupnik u Skupštini Kantona Sarajevo